



FFORWM CYLLIDEB – 27 Medi 2018

PWNC: YMGYNGHORI AR DREFNIADAU CYLLIDO FFORMIWLA DAU SAFLE PRESENNOL YSGOL GYFUN CWM RHYMNI

ADRODDIAD GAN: JANE SOUTHCOMBE

1. DIBEN YR ADRODDIAD

- 1.1 Amlinellu ac ystyried trefniadau cyllido fformiwla Ysgol Gyfun Cwm Rhymni, sy'n uniongyrchol gysylltiedig â threfniant dau safle presennol yr ysgol (pellter o saith milltir rhwng y ddau safle).
- 1.2 Mae amseru'r adroddiad hwn yn uniongyrchol gysylltiedig â'r ffaith bod pob grŵp oedran rhwng blwyddyn 7 ac 11 yn cael eu dysgu ar y ddau safle ers mis Medi 2017. Dyma'r flwyddyn academaidd gyntaf i'r trefniant yma fod ar waith. Mae dau ddalgylch clir ganddynt, gydag ysgolion penodol yn bwydo safle Gelli Haf a safle Gwyndy.

2. CRYNODEB

- 2.1 Yn gryno, mae'r adroddiad yn adolygu safbwynt cyllido presennol Ysgol Gyfun Cwm Rhymni, ac yn ystyried hyn mewn perthynas ag ysgolion sy'n cydweithio ar hyn o bryd drwy rannu Pennaeth yn y Fwrdeistref.
- 2.2 Ysgol Gyfun Cwm Rhymni yw'r unig ysgol uwchradd cyfrwng Cymraeg yn y Fwrdeistref. Ym mis Mai 2018, cytunodd y Bwrdd Strategaeth Ysgolion y dylid cynnal ymgynghoriad mewn perthynas â threfniant cyllido dau safle presennol yr ysgol.

3. CYSYLLTIADAU Â STRATEGAETH

- 3.1 Mae'r adroddiad yn ystyried defnydd o adnoddau'r Gyfarwyddiaeth er mwyn sicrhau y caiff strategaethau allweddol eu cyflawni.
- 3.2 Mae cynllunio ariannol a mesurau rheoli ariannol effeithiol yn cyfrannu at Nodau Llesiant Deddf Llesiant Cenedlaethau'r Dyfodol (Cymru) 2015. Yn benodol:

Cymru lewyrchus, sydd â'r nod o wella cyrhaeddiad plant a phobl ifanc ac a fydd yn eu galluogi i ennill sgiliau neu gael mynediad at addysg bellach a chyflogaeth.

Cymru iachach; gall cefnogi dysgwyr sy'n agored i niwed wella eu llesiant a'u cyflawniad addysgol.

Cymru fwy cyfartal; cymdeithas sy'n galluogi pobl i gyflawni eu potensial waeth beth fo'u cefndir; a

Cymru o gymunedau cydlynus; gwella ansawdd bywyd gyda chymunedau atyniadol, hyfyw a diogel sydd â chysylltiadau da.

4. YR ADRODDIAD

- 4.1 Mae'r adroddiad hwn yn dilyn trafodaethau gydag Ysgol Gyfun Cwm Rhymni mewn perthynas â'r trefniadau cyllido fformiwla presennol fel ysgol â dau safle. Hyd yma, mae'r ysgol wedi cael ei hariannu fel un ysgol, gyda chyfandaliad dau safle ychwanegol. Mae'r dyraniad cyllido fformiwla dau safle yn cydnabod y baich ariannol ychwanegol sydd ar ysgol o ganlyniad uniongyrchol i ddarpariaeth ar ddau safle. Mae amseru'r adroddiad hwn yn uniongyrchol gysylltiedig â'r ffaith bod dau ddalgylch clir ym mis Medi 2017 gyda grwpiau blwyddyn 7 i 11 ar y ddau safle. Mae hyn wedi effeithio ar drefniadau a chostau ar gyfer gweithrediadau dydd i ddydd (Technegwyr / Swyddfa a Derbynfa) a rheoli safle, ynghyd â threfniadau dysgu a chyfrifoldebau rheoli (trefniadau Dirprwy Bennaeth / Pennaeth Cynorthwyol).
- 4.2 Mae adolygiad o niferoedd y disgyblion ar draws ysgolion uwchradd yr Awdurdod (gan gynnwys 3 i 18, 11 i 16 ac 11 i 19) yn cefnogi'r angen am drafodaeth bellach ar y mater hwn. Mae manylion niferoedd capasiti a niferoedd derbyn ein hysgolion uwchradd (Atodiad 1) yn dangos maint yr ysgol (gan gynnwys manylion y ddau safle) mewn perthynas ag ysgolion uwchradd eraill y Fwrdeistref.
- 4.3 Yng Nghaerffili ar hyn o bryd, mae gennym nifer o ysgolion cynradd sy'n cydweithio'n llwyddiannus drwy rannu Pennaeth. O safbwynt ariannol yn unig, mae'r dull hwn wedi creu arbedion mewn perthynas â chostau Uwch Reolwyr, sy'n hanfodol i gynaliadwyedd ariannol rhai o'n hysgolion lleiaf. Mewn sefyllfa lle mae dwy ysgol yn cydweithio drwy rannu Pennaeth, caiff y ddwy ysgol eu hariannu ar wahân drwy'r dyraniad cyllido fformiwla, ac felly maent yn derbyn unrhyw gyfandaliadau yn benodol i bob ysgol a nodwyd.
- 4.4 Yn sefyllfa Ysgol Gyfun Cwm Rhymni, sef ysgol uwchradd fwyaf y Fwrdeistref o bell ffordd, mae manteision Pennaeth ar draws yr "holl" ysgol eisoes ar waith. Fodd bynnag, mae capasiti'r safleoedd unigol, y ffaith bod dau ddalgylch a bod yr holl grwpiau blwyddyn o flwyddyn 7 i 11 yn cael eu haddysgu ar y ddau safle, yn cefnogi'r angen i adolygu'r fethodoleg gyllido sy'n gysylltiedig â'r lwfans cyfandaliadau.
- 4.5 Yn ystod blwyddyn ariannol 2018/19, mae pob Ysgol yn derbyn nifer o gyfandaliadau yn eu fformiwlâu. Mae tri chyfandaliad sy'n benodol gysylltiedig â'r safle (mae cyfandaliadau bach hefyd sy'n gysylltiedig â rhai o'r dyraniadau SLA):
1. Cyllid sy'n talu am ran o gyflog Pennaeth i ganiatáu am amser digyswllt ar gyfer tasgau rheoli a chostau arwain yn yr ysgol.
 2. Cyllid yn ymwneud â chynnal a chadw'r adeilad (gwerth isel).
 3. Cyllid ychwanegol – yn gysylltiedig â llwyth gwaith, arweinyddiaeth a rheoli yn bennaf.
- 4.6 Yn fformiwla 2018/19, parhaodd Ysgol Gyfun Cwm Rhymni i dderbyn un cyfandaliad ar gyfer pob un o'r elfennau hyn, ac yna lwfans dau safle ar gyfer y cyfandaliad sy'n gysylltiedig â'r Pennaeth/amser rheoli (50%). Gan ystyried capasiti'r ysgol gyfan a chapasiti'r safleoedd unigol, mae costau wedi cynyddu'n sylweddol wrth i'r ysgol weithio i gyflwyno'r cwricwlwm dros ddau safle sydd saith milltir oddi wrth ei gilydd. Mae angen ystyried cynaliadwyedd ariannol y trefniant hwn. Gan fod yr ymrwymiad i sicrhau darpariaeth i ddisgyblion ar safle Gwyndy yr un peth â safle Gelli Haf, mae rhai dosbarthiadau bach wedi'u cadw ar y ddau safle, ac mae dosbarthiadau ychwanegol wedi'u cynnig ar gyfer rhai pynciau, er na fyddai nifer y disgyblion wedi awgrymu bod angen dosbarth ychwanegol o dan amgylchiadau arferol. Y dewis arall fyddai teithio'n rheolaidd rhwng y ddau safle, sydd â chost ynddo'i hun, ac ni theimlir y byddai hyn o fudd i'r disgyblion.
- 4.7 Ar hyn o bryd mae Ysgol Gyfun Cwm Rhymni yn derbyn un cyfandaliad ar gyfer pob un o'r tri maes a nodwyd ym mharagraff 4.5, ac mae'r Ysgol hefyd yn derbyn 50% ychwanegol o'r cyllid sy'n gysylltiedig ag un o'r cyfandaliadau. Cynigir y dylid ystyried tynnu'r dyraniad dau safle, a darparu'r tri chyfandaliad ar gyfer pob safle, oherwydd y rhesymau a nodwyd yng nghorff yr adroddiad hwn.

4.8 Yn seiliedig ar sefyllfa gyllido fformiwla 2018/19, byddai goblygiadau'r newid yn nhrefniadau cyllido Ysgol Gyfun Cwm Rhymni yn arwain at oddeutu £120,000 o arian ychwanegol.

5. LLESIANT CENEDLAETHAU'R DYFODOL

5.1 Mae rheoli ariannol effeithiol yn elfen allweddol wrth sicrhau y cyflawnir y Nodau Llesiant yn Neddf Llesiant Cenedlaethau'r Dyfodol (Cymru) 2015.

6. GOBLYGIADAU CYDRADDOLDEB

6.1 Nid oes unrhyw faterion cydraddoldeb penodol yn gysylltiedig â'r ddogfen drafodaeth hon. Fodd bynnag, gallai newid mewn trefniadau cyllido gynorthwyo o ran gallu'r Ysgol i gynnal y cwricwlwm ehangach ar draws y ddau safle. Yn amlwg, byddai'r Ysgol yn adolygu ac yn ystyried llawer o ffactorau wrth wneud penderfyniadau, ac nid cyllid yn unig.

7. GOBLYGIADAU ARIANNOL

7.1 Ar yr adeg yma, pe cai'r cynnig hwn ei gefnogi byddai angen talu costau'r cyfandaliad ychwanegol o'r gronfa dyraniad fformiwla Ysgolion bresennol. Ni fyddai cyllid ychwanegol i ysgolion o ganlyniad i hyn.

8. GOBLYGIADAU PERSONÉL

8.1 Does dim goblygiadau personél yn uniongyrchol gysylltiedig â'r cynnig hwn.

9. YMGYNGHORIADAU

9.1 Ymgynghoriad cychwynnol gyda'r Fforwm Cyllideb Ysgolion.

10. ARGYMHELLION

10.1 Bod y Fforwm Cyllideb Ysgolion yn cefnogi'r cynnig i newid y trefniant cyllido dau safle ar gyfer Ysgol Gyfun Cwm Rhymni o'r flwyddyn ariannol 2018/19, ac yn ymgynghori â phob Ysgol, gydag amserlen y cytunir arni.

Awdur: Jane Southcombe, Rheolwr Cyllid (Addysg, Dysgu Gydol Oes ac Ysgolion)
E-bost: southj@caerffili.gov.uk

Ymgynghoreion: Sue Richards, Pennaeth Gwasanaeth – Addysg, Cynllunio a Strategaeth
Julie Baker, Prif Swyddog Cyllid (Ysgolion)
Cheryl Adams, Uwch Swyddog Cyllid (Ysgolion)